

Baibuli y'abaana bato
N'ekuhikyaho



Iguru, Eka
ya Ruhanga
enungi



Ekahandiikwa: Edward Hughes

Ebisisani bya: Lazarus
Alastair Paterson

Ekatekanizibwa: Sarah S.

Ekahindurwa: Rev. Canon. Samuel Mwesigwa


Ekaturukibwa: Bible for Children
www.M1914.org

©2020 Bible for Children, Inc.


Orusa: Oyina obugabe kukoporra rundi kuhandikisa oruganikyo
runu kakuba oba otarutunde.



Yesu obu akaba ali omu nsi
akagambiraho abegesibwabe
Iguru. Akalyeta "Enju ya ise
nyowe", kandi akagamba
harimu ebisiika bingi.
Iguru likooto, lise mire
kukira amaka agali
omu nsi.



Yesu akagamba ati: "Nigenda kubatekaniriza ekikaro. Obundaba nigenda kubatekaniriza ekikaro, ndigaruka mbatabarre". Hanyuma y'okuhumbuuka Yesu akagenda omw'iguru. Abegesibwabe bakaba bamurolerire nagenda omw'iguru ekicu kyamuswekerra.



Kuruga obu abakristu na abakristayo baijuka omurago gwa Yesu nkoku aligaruka okubatabarra.

Yesu akagamba naija kugaruka omu kasumi batamanyire, kiki ekiribaho abo abakristayo abarukufa Yesu atakagarukire? Baibuli n'egamba bagenderaho omwa Yesu. Okubura omu mubiri nukwo kuba na mukama.




OKUBA HAMU
NA MUKAMA



Okusuukururwa, ekitabu ky'okumalirra omu
Baibuli, kitugambira nkoku Iguru liri ry'okuhuniriza.

Ekihuniriza ekikuru nikyo ngu omu muringo
ogwembaganiza Iguru niyo enju ya Ruhanga.


Ruhanga ali hantu hoona
baitu ekikalikye kiri
omwiguru.



Bamaliaka n'ebihangwa.
ebindi ebisangwa omw'iguru
baramya Ruhanga ow'omwiguru.
Nahabweki abantu boona aba
Ruhanga bafa kandi bagenda
omw'iguru. Bazinira
Ruhanga
ebizina
ebyokukuziza.




Hanu haroho
ebimu ha
bigambo
by'ekizina
ekibazina:




OSEMERIIRE HABWOKUBA AKATUCUGURRA
RUHANGA N'ESAGAMA YAAWE N'OBAIHA
OMU BULI RUGANDA N'OMU
MAHANGA GOONA
WABAFOORA BAKAMA
KANDI BANYAKATAGARA
BA RUHANGA
WAITU.
(Okusukururwa
5:9)




Orupapura orw'okumalirra omu Baibuli nirubazaho Iguru nka: "Yerusalemu empyaka". Nkooto muno, n'ekisika kiraihire. Ekisiika ky'ombekerwe amabaale g'ayasipi, nirimulikana.




Omusingi gwarwo etonere n'amabaare g'omuhendo nigangasana omu rangi zoon. Emiryango y'orubuga runu ekozirwe omw'ibaale ly'omuhendo muno.




Emiryango enkooto egi tibagikinga. Leka tugende omunda turole ... Mawe, mawe, mawe! Eiguru omunda lisemire. Orubuga rukozirwe ezabu yonyini, n'esisana egilasi. Namaju g'ombekerwe ezabu.




Ekisaaru ekirungi eky'amaizi amarungi
ag'obwomeezi nigagera nigaruga omu kikaali kya
Ruhanga. Harubaju orundi orwekisaaru haroho
omuti gw'obwomeezi, ogw'ali omukubanza omu
musiri gwa Edeni. Omuti gunu gw'embaganizo muno.
Nigwana ebijuma ikumi na bibiri by'emiringo mingi
buli mwezi. Kandi amababi ag'omuti gw'obwomeezi
nigakiza amahanga.



Iguru tirirukwetagisa Izooba rundi okwezi kutunga ekyererezi. Ekitinisa kya Ruhanga nikyo kilyakira. Omw'iguru obwiire tibwira.



N'ebisoro ebyomw'iguru tibisisana ebya omu nsi.
Byoona biina obusinge kandi tibikora kabi. Emyaga
n'ebyana by'entaama nibirya ebinyansi hamu.
N'entale nazo nizirya obunyansi nk'ente. Mukama
nagamba ati: "Ebintu ebi tibirikora kabi kandi
tibirihwerekerezwa kintu na kimu ha rusizi rwange
orurukwera."



Obuturukurorara, nitusanga ngu haroho ebintu
ebirukuburaho kuruga omw'iguru. Busaho bigambo
ebirukunyigisa ebikuhurirwa. Busaho muntu
arukurwana rundi
arukwegondeza
wenka.




Busaho kufuro hanyigi habwokuba busayo basuma
omw'iguru, busayo ababihi b'ebisuba, abaisi, abasezi,
rundi abarogo abandi boona. Busayo
kibi kyamulingo
gwoona
omw'iguru.



Omw'iguru nambere Ruhanga
ali busayo kurra kwoona.
Obwire obundi abantu ba
Ruhanga barra habwo bujune
bwingi omu bwomeezi bwabo.
Omw'iguru Ruhanga naija
okubaragaza amaziga goona.




Omw'iguru busayo kufa. Abantu ba Ruhanga baija kwikara nawe ebiro n'ebiro. Busayo bujune, busayo kurra, busayo kusalirwa, busayo kurwara, busayo rufu. Buli omu omwiguru naikara asemerirwe hamu na Ruhanga ebiro byoona.




Ekyomugisa omurungi, Iguru
ly'aboojo hamu n'abaisiki (hamu
n'abakuzire) abaikirize ngu Yesu
Kristo nuwe mujuni waabu kandi
bakakora ebyaragira nka
Mukama waabu.




Omw'iguru haliyo ekitabu ekibarukweta
Ekitabu Ekyobwomeezi Ekyomwana
gw'Entama. Kiiwiremu amabara
g'abantu. Nomanya amabara
g'abantu agahandikirwe
mu? Abantu boona
abarukwesiga
Yesu. Ibara
lyawe lirumu?



Ebigambo bya Baibuli ebyokumalirra ebikwataine
n'iguru harumu kuraliza kwokuhuniriza.



"Mwoyo hamu n'omugole bagamba nti: 'Ija!
Kandi leka ogu akuhurra agambe 'Ija!' kandi leka
anyakwine iroho aiye kandi wena arukugonza
leka anywere busa amaizi g'obwomeezi."



Iguru, Eka ya Ruhanga enungi

Oruganikyo kuruga mu Baibuli,
Ekigambo kya Ruhanga

Nirusangwa omu

Yohana 14; 2 Abakorinto 5;
Okusuukururwa 4, 21, 22

"Ekigambo kyawe kituleetera okuhweza."
Zabbuli 119:130



Kumalirra



Oruganikyo runu kuruga omu Baibuli nirutumanyisa nkoku Ruhanga waitu ahuniriza kandi agonza tumumanye.

Ruhanga amanyire nkoku twakozire ebintu ebibi, by'ayeta ekibi. Ekifubiro ky'ekibi kufa. Baitu Ruhanga akugonza muno, nikyo yasindikiire Omwana we, Yesu, okukufeera ha musaraba, abonesibwe ha bw'ebibi byawe. Hanyuma Yesu yahumbuuka kandi yagarukayo omuka omw'iguru. Bw'oikiriza omuli Yesu kandi akamusaba akuganyire ebibi byawe, aija kukikora. Aija kwija aikare omuri iwe, kandi naiwe oikarege nawe obwire bwona.

Bw'oraba noikiriza ngu kinu kihikire, gambira Ruhanga oti: Omugozebwa, ninyikiriza ngu oli Ruhanga, kandi okafooka muntu, nukwo ofe habw'ebibi byange, kandi okahumbuuka hati oyomiire. Nkusaba oije omu bwomeezi bwange, onganyire ebibi byange, nsobore kuba n'obwomeezi obuhyaaka, kandi kiro kimu nyije nyikare naiwe ebiro n'ebiro. Nkonyera nkwikirize kandi nkuhurrege nyomeere habwa we ndi mwaana waawe. Amiina.

Osomege Baibuli obazege na Ruhanga buli kiro. Yohaana 3:16

